


BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 09 -01- 2023			
Org. jed.	Kl. ozna.	Red. broj	Br. priloga
01	04	2756	22

Broj: 02-04-2641/22-AP-6
Datum: 06.01.2023. godine

GRADSKO VIJEĆE ZAVIDOVIĆI
n/r PREDSJEDAVAJUĆEM GRADSKOG VIJEĆA
(po ovlaštenju Gradskog vijeća)
broj: 01-04-3088/22-AP-6 od 29.12.2022. godine
Šemsudin Skejić, dipl. ing. maš.

PREDMET: Prijedlog Odluke o proglašenju Dana sjećanja na ubijenu djecu u
ratu 1992.-1995. godine na području Grada Zavidovići, dostavlja se

U prilogu akta dostavljam Vam Prijedlog Odluke o proglašenju Dana sjećanja na
ubijenu djecu u ratu 1992.-1995. godine na području Grada Zavidovići.

Prijedlog Odluke o proglašenju Dana sjećanja na ubijenu djecu u ratu 1992.-1995.
godine na području Grada Zavidovići, dostavljam Gradskom vijeću Zavidovići radi uvrštavanja
u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović





Broj: 02-04-2641/22-AP-5
Datum: 06.01.2023. godine

Na osnovu člana 13. stav (1) alineja 11. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine”, broj: 49/06 i 51/09) i člana 10. stav (1) tačka 2. i 13. Privremene Statutarne Odluke Grada Zavidovići („Službeni glasnik Općine Zavidovići”, broj: 4/22) Gradsko vijeće Zavidovići na __. sjednici, održanoj dana __. __. 2023. godine donosi:

ODLUKU

o proglašenju Dana sjećanja na ubijenu djecu u ratu 1992.-1995. godine na području Grada Zavidovići.

Član 1.

Proglašava se 26. august kao Dan sjećanja na ubijenu djecu u ratu 1992.-1995. godine na području Grada Zavidovići.

Član 2.

- (1) Program obilježavanja Dana sjećanja na ubijenu djecu u ratu 1992.-1995. godine na području Grada Zavidovići utvrđuje Gradonačelnik na prijedlog Službe za upravu društvenih djelatnosti, pitanja boraca i opću upravu.
- (2) Za potrebe realizacije Programa obilježavanja Dana sjećanja na ubijenu djecu u ratu 1992.-1995. godine na području Grada Zavidovići, Gradonačelnik može uključiti javne ustanove i nevladine organizacije sa područja Grada Zavidovići.

Član 3.

Za obilježavanje Dana sjećanja na ubijenu djecu u ratu 1992.-1995. godine na području Grada Zavidovići potrebno je planirati sredstva u Budžetu Grada Zavidovići.

Član 4.

Odluka stupa na snagu prvi naredni dan od dana objavljivanja u „Službenom glasniku Grada Zavidovići“.

**PREDSJEDAVAJUĆI
GRADSKOG VIJEĆA**

(po ovlaštenju Gradskog vijeća)

broj: 01-04-3088/22-AP-6 od 29.12.2022. godine

Šemsudin Skejić, dipl. ing. maš.

O B R A Z L O Ž E N J E

PRAVNI OSNOV DONOŠENJA ODLUKE

Sadržan je u Zakonu o principima lokalne samouprave u Federaciji Bosne i Hercegovine, ("Službene novine Federacije Bosne i Hercegovine", broj: 49/06 i 51/09) i u Privremenoj Statutarnoj Odluci Grada Zavidovići („Službeni glasnik Općine Zavidovići“, broj: 4/2022).

U članu 13. stav (1) alineja 11. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09) propisano je:

„Organ odlučivanja jedinice lokalne samouprave je općinsko vijeće u općini, a gradsko vijeće u gradu (u daljnjem tekstu: vijeće).

Vijeće u okviru svojih nadležnosti:

- alineja 11“ donosi odluke o proglašenju praznika jedinice lokalne samouprave“.

U članu 10. stav (1) tačka 2. i 13. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) propisano je:

„Gradsko vijeće u okviru svoje nadležnosti:“

„2. donosi odluke i druge opće akte kojima uređuje pitanja iz samoupravnog djelokruga Grada;“

„13. donosi odluke o proglašenju praznika Grada“.

RAZLOZI DONOŠENJA ODLUKE

Platforma za progres Bosne i Hercegovine, Općinski odbor Zavidovići, dana 12.05.2022. godine podnijela je građansku Inicijativu za proglašenje dana 26. augusta, kao Dana sjećanja na ubijenu djecu Zavidovića, jer je navedenog datuma, 1992. godine ubijeno prvo dijete u proteklom ratu (djevojčica Joldić Džemila).

Dana 20.06.2022. godine Gradonačelnik Grada Zavidovići donio je stav po navedenoj Inicijativi da je ista prihvatljiva, ali trenutno neprovodiva iz razloga što Inicijativa ne sadrži potrebne podatke o finansijskim i drugim efektima, koji bi nastali realizacijom Inicijative.

Gradsko vijeće Zavidovići je dana 30.06.2022. godine, na svojoj 3. sjednici, razmatralo je Inicijativu Općinskog odbora Platforme za progres Zavidovići, te nakon rasprave donijelo Zaključak, broj: 01-04-1559/22-AP-7 kojim prihvata predmetnu Inicijativu, te tačkom 2. Zaključka zadužuje Gradonačelnika Grada Zavidovići da sa nadležnom Službom realizuje predmetnu Inicijativu u roku od 60 dana.

FINANSIJSKA SREDSTVA POTREBNA ZA SPROVOĐENJE ODLUKE

Za sprovođenje ove Odluke, radi realizacije Programa obilježavanja Dana sjećanja na ubijenu djecu u ratu 1992.-1995. godine na području Grada Zavidovići, potrebno je planirati određena sredstva u Budžetu Grada Zavidovići za 2023. godinu na tekućem transferu „Izdaci za obilježavanje značajnih datuma“.

Obradila:

(Asima Merdanović)

Kontrolisao:

(Idriz Alihodžić)

GRADONAČELNIK

doc.dr. Hašim Mujanović

14/AS1112 -10112
30/12/22

BOSNA I HERCEGOVINA
FEDERACIJA BOSNE I HERCEGOVINE
ZENICKO-DUGOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

KOORDINACIJA BORAČKIH
UDRUŽENJA OPŠTINE ZAVIDOVIĆI

Datum: 29.12.2022

Broj:18-1/22

Prihvaćeno: 29-12-2022			
Org. jed.	Opština	Red. broj	Št. priloga
241			

SLUŽBA ZA UPRAVU DRUŠTVENE
DJEALTOSTI, PITANJA BORACA I
OPŠTU UPRAVU

PREDMET: Prijedlog i sugestije

PRIJEDLOG;

Na Javnoj raspravi koja je održana 27.12.2022 godine u 11:00 sati gdje su prisustvovala i naša dva boračka udruženja; SJOB UV 92 – 95 i Udruženje najvećih ratnih priznanja „Zlatni ljiljan“ a povodu Nacrta odluke Gradskog vijeća o proglašenju Dana sjećanja na ubijenu djecu u ratu 1992 – 1995 na području Grada Zavidovića.

Prijedlog na Javnoj raspravi od strane SJOB UV 92 – 95 Zavidovića je bio da se uvaži odluka i da se kao dan obilježavanja u isti datum kad je Grad napadnut od strane oba agresora a rukovodeći se isključivo zbog većeg broja datuma koji se obilježavaju u navedenom periodu Juni – Septembar, tako da bi objedinili oba datuma u jedan i zbog posjeta prilikom obilježavanja.

Prijedlog od strane SJOB UV 92 – 95 na sastanku Koordinacije udruženja je razmatran i prihvaćen kao druga varijanta od strane predlagача (Platforma za progres)

Zajednički stav Koordinacije je da prihvataju prijedlog predlagача da ipak se uvrsti u zajednički datum, prijedlog da to bude 26.08 kada je pala prva maloljetna žrtva na području Grada Zavidovića kao i prijedlog da se u narednom periodu postavi ploča sa imenima poginule djece Grada Zavidovića u sklopu Centralnog spomenika.

S poštovanjem!

- Organizacija porodica Šehida
- RVI
- Udruženje Zlatnih ljiljana
- SJOB UV 92 – 95

Sanjin Sančić

Amir Mujkić

Ahmet Šehić

Asif Ćatić



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravu društvenih djelatnosti,
pitanja boraca i opću upravu



Broj: 04-04-47/23-AP-2
Datum: 6.1.2023. godine

Na osnovu tačke 4. Zaključka Gradskog vijeća Grada Zavidovići, broj: 01-04-2756/22-AP-7 od 30.11.2022. godine, Služba za upravu društvenih djelatnosti, pitanja boraca i opću upravu Grada Zavidovići dostavlja Gradonačelniku Grada Zavidovići i Gradskom vijeću Zavidovići:

I Z V J E Š T A J

o rezultatima sa provedene Javne rasprave i pretresu sjednice GV-a Zavidovići po Nacrtu

Odluke o proglašenju Dana sjećanja na ubijenu djecu u ratu 1992.-1995. godine na području grada Zavidovići

Gradsko vijeće Grada Zavidovići je na svojoj 7. sjednici, održanoj dana 30.11.2022. godine, prihvatilo Nacrt Odluke o proglašenju Dana sjećanja na ubijenu djecu u ratu 1992.-1995. godine na području grada Zavidovići.

Tačkom 2. Zaključka utvrđeno je da se Nacrt Odluke o proglašenju Dana sjećanja na ubijenu djecu u ratu 1992.-1995. godine na području grada Zavidovići upućuje na Javnu raspravu, koja će se održati u Velikoj sali zgrade Grada Zavidovići, a da će Služba za upravu društvenih djelatnosti, pitanja boraca i opću upravu Grada Zavidovići utvrditi termin održavanja iste.

Tačkom 3. Zaključka navedena Služba je zadužena da putem sredstava javnog informisanja i web stranice Grada Zavidovići izvesti sva zainteresovana pravna i fizička lica o mjestu i vremenu održavanja Javne rasprave, te da Javnu raspravu organizuje u periodu od 30 (trideset) dana, u kojem će se primati pismeni prijedlozi, mišljenja i sugestije.

Uvažavajući odredbe i zaduženja iz Zaključka ova Služba utvrdila je termin za održavanje Javne rasprave i putem lokalnih medija (Radio 1503, SMART TV i web stranica Grada Zavidovići), kao i pojedinačno upućenim pozivima predstavnicima boračkih udruženja, predstavnicima mjesnih zajednica i političkih organizacija, izvijestila sva zainteresovana fizička i pravna lica o mjestu i vremenu održavanja iste, sa utvrđenim rokom za dostavu prijedloga, mišljenja i sugestija po Nacrtu Odluke.

Rok za dostavu prijedloga, mišljenja i sugestija po Nacrtu predmetne Odluke bio je do 30.12.2022.godine (petak).

U skladu sa navedenim, Javna rasprava po Nacrtu Odluke održana je po planu, dana 27.12.2022.godine u Velikoj sali zgrade Grada Zavidovići sa početkom u 11:00 sati.

Javnoj raspravi su prisustvovali Pomoćnik gradonačelnika Službe za upravu finansija, budžet i trezor Midhat Bajramović (u funkciji zamjene Pomoćnika gradonačelnika Službe za upravu društvenih djelatnosti, pitanja boraca i opću upravu, koji je bio opravdano odsutan), predstavnici Službe za upravu društvenih djelatnosti, pitanja boraca i opću upravu Grada Zavidovići, šef Odsjeka za društvene djelatnosti i opću upravu Asima Merdanović, šef Odsjeka za pitanja boraca Hadžić Amra, Viši stručni saradnik za pitanja boračko-invalidske zaštite Majda Mujanović Alimanović, predstavnici boračkih udruženja sa područja grada Zavidovići

Čatić Asif ispred Udruženja SJOB UV 92-95 i Ahmet Šehić ispred Udruženja najvećih ratnih priznanja „Zlatni ljiljan“, te predstavnici medija Svetlana Taletović ispred Radija 1503 i Dijana Starčević ispred SMART TV.

U ime Grada Zavidovići prisutne je pozdravio Pomoćnik gradonačelnika Midhat Bajramović, koji je upoznao prisutne sa Zaključkom Gradskog vijeća Zavidovići, kojim je utvrđeno je da se Nacrt Odluke o proglašenju Dana sjećanja na ubijenu djecu u ratu 1992.-1995. godine na području grada Zavidovići upućuje na Javnu raspravu.

Imenovani je izvjestio prisutne da je Služba za upravu društvenih djelatnosti, pitanja boraca i opću upravu u skladu sa zaduženjima iz Zaključka Gradskog vijeća Zavidovići utvrdila termin održavanja javne rasprave, kao i krajni rok za dostavu primjedbi, prijedloga i sugestija na tekst Nacrta Odluke o proglašenju Dana sjećanja na ubijenu djecu u ratu 1992.-1995. godine na području grada Zavidovići.

Također, Pomoćnik gradonačelnika je upoznao prisutne sa tekstom predmetne Odluke, nakon čega je dao riječ šefu Odsjeka za upravu društvenih djelatnosti i opću upravu Asimi Merdanović, koja je kazala da su sve zainteresovane stranke upoznate sa terminom održavanja Javne rasprave putem medija, kao i da su dostavljeni pojedinačni pozivi na adrese boračkih udruženja, mjesnih zajednica, te političkih partija sa područja grada Zavidovići.

Imenovana je prisutnima iznijela razloge donošenja Odluke o proglašenju Dana sjećanja na ubijenu djecu u ratu 1992.-1995. godine na području grada Zavidovići, kao i pravni osnov za izradu Odluke.

Također je izvjestila prisutne da do momenta održavanja Javne rasprave nije dostavljena nijedna sugestija, mišljenja, niti prijedlog na tekst Nacrta Odluke, koja je bila dostupna na uvid svima, uz mogućnost preuzimanja iste putem zvanične web stranice Grada Zavidovići.

Nakon obraćanja šefa Odsjeka Asime Merdanović, otvorena je Javna rasprava po Nacrtu Odluke o proglašenju Dana sjećanja na ubijenu djecu u ratu 1992.-1995. godine na području grada Zavidovići.

Predstavnik boračkog udruženja SJOB UV 92-95, Asif Čatić iznio je stav da se slaže sa tekstom utvrđenog Nacrta predmetne Odluke, uz prijedlog da se razmotri mogućnost da se kao Dan sjećanja na djecu ubijenu u ratu 1992.-1995.godine na području grada Zavidovići, umjesto 26. avgust uzme datum kada je grad napadnut od strane oba agresora.

Predsjednik Udruženja „Zlatnih ljiljana“ Ahmet Šehić kazao je da će Koordinacija boračkih organizacija grada Zavidovići zauzeti zajednički stav po Nacrtu Odluke, a vezano za datum obilježavanja Dana sjećanja na djecu ubijenu u ratu 1992-1995.godine na području grada Zavidovići, te zvanični prijedlog dostaviti Službi za upravu društvenih djelatnosti, pitanja boraca i opću upravu.

Kao razlog svog prijedloga naveli su da zbog većeg broja obilježavanja značajnih datuma u periodu juni-septembar bi lakše objedinili obilježavanje svih navedenih značajnih manifestacija.

Šef Odsjeka Asima Merdanović iznijela je stav u pogledu prijedloga predstavnika boračkih udruženja, smatrajući da je ipak datum 26.avgust simboličan, te da nije bez razloga naveden obzirom da je prva maloljetna ratna žrtva, djevojčica Džemila Joldić iz mjesta Rujnica, upravo na taj datum izgubila život, ali da će prijedlog predstavnika boračkih udruženja svakako biti razmatran naknadno prilikom utvrđivanja konačne verzije teksta Odluke.

Pomoćnik gradonačelnika Midhat Bajramović se složio sa navedim, te ponovno istaknuo da će se sve sugestije, mišljenja i prijedlozi, koji stignu do krajnjeg roka razmotriti od čega će zavisiti i izrada konačnog teksta predmetne Odluke.

Predstavnici boračkih udruženja su kazali da će se pismeno očitovati u roku za dostavu prijedloga, mišljenja i sugestija i kako su već ranije naveli, zauzeti zajednički stav ispred Koordinacije boračkih udruženja grada Zavidovići, ali da će njihov stav najvjerovatnije biti da

se ipak Nacrtom Odluke predloženi datum , 26.avgust uzme kao Dan sjećanja na ubijenu djecu u ratu.

Sumirajući Javnu raspravu prisutni su se složili da će se pristigle sugestije, primjedbe i mišljenja na predloženi Nacrt Odluke detaljno razmotriti, te sačekati krajnji rok koji je dat za dostavu prijedloga, mišljenja i sugestija zainteresovanim fizičkim i pravnim licima (30.12.2022. godine) i na osnovu istih uskladiti tekst Odluke.

Pomoćnik gradonačelnika Midhat Bajramović se zahvalio prisutnima na učešću u Javnoj raspravi i ista je okončana u 11:25 sati.

Do krajnjeg roka za dostavu prijedloga ovoj Službi (30.12.2022. godine), dostavljen je jedan prijedlog/sugestija od 29.12.2022.godine (u pisanoj formi) od strane Koordinacije boračkih udruženja (Organizacija šehida, Organizacije RVI, Udruženja „Zlatnih ljiljana“ i SJOB UV 92-95) .

Prijedlog/sugestija se odnosila na zajednički zauzeti stav navedenih boračkih organizacija da se kao Dan sjećanja na djecu ubijenu u ratu ipak uzme 26.avgust, kada je pala prva maloljetna žrtva u ratu 1992.1995.godine na području grada Zavidovići, te da se u narednom periodu postavi ploča sa imenima poginule djece Grada Zavidovići u sklopu Centralnog spomenika.

Obzirom da na sam tekst Odluke o proglašenju Dana sjećanja na ubijenu djecu u ratu 1992.-1995. godine na području grada Zavidovići nema primjedbi, Služba dostavlja prijedlog konačnog teksta Odluke o proglašenju Dana sjećanja na ubijenu djecu u ratu 1992.-1995. godine na području grada Zavidovići u dalju proceduru prema Gradskom vijeću Zavidovići, radi usvajanja iste.

Prilog:

- Primjedbe/sugestije Koordinacije boračkih udruženja Grada Zavidovići, broj: 18-1/22 od 29.12.2022.godine, 1x

-Odluka o proglašenju Dana sjećanja na ubijenu djecu u ratu 1992.-1995. godine na području grada Zavidovići, 1x

Dostavljeno:

-Gradonačelnik,


-GV Zavidovići,

-U spis.

POMOĆNIK GRADONAČELNIKA

Idriz Alihodžić, prof.

Obradila: Asima Merdanović





Komisija za Statut i propise

Broj: 01-04-2756/22-AP-11

Datum: 19.01.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Općinskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22), Komisija za Statut i propise na 15. sjednici održanoj dana 19.01.2023. godine, razmatrala je Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi, pa nakon rasprave donijela

ZAKLJUČAK

1. Komisija za Statut i propise smatra da je Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi, u skladu sa zakonom i drugim propisima.

2. Komisija za Statut i propise podnosi:

Amandman

na Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići

U naslovu i u cjelokupnom tekstu Prijedloga Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, iza riječi „ djecu u“ dodaju se riječi „Odbrambeno-oslobodilačkom“.

O b r a z l o ž e n j e

Komisija za Statut i propise smatra da se u naslovu Prijedloga Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, iza riječi „ djecu u“ dodaju riječi „Odbrambeno-oslobodilačkom“, tako da bi naslov glasio:

„Prijedlog Odluke o proglašenju Dana sjećanja na ubijenu djecu u Odbrambeno-oslobodilačkom ratu 1992.-1995. godine na području Grada Zavidovići“.

U cjelokupnom tekstu Prijedloga Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, iza riječi „ djecu u“ dodaju se riječi „Odbrambeno-oslobodilačkom“, tako da bi u članu 1., 2. i 3. Prijedloga Odluke, tekst koji glasi: „Dana sjećanja na ubijenu djecu u ratu 1992.-1995. godine“, glasio: „Dana sjećanja na ubijenu djecu u Odbrambeno-oslobodilačkom ratu 1992.-1995. godine“.

Komisija za Statut i propise smatra da bi se prihvatanjem predmetnog amandmana upotpunio i poboljšao tekst Prijedloga Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići.

3. Komisija za Statut i propise smatra da je Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi, pripremljen u skladu sa Jedinistvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08).

4. Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi, dostavlja se predsjedavajućem radi uvrštavanja u dnevni red sjednice Gradskog vijeća.

5. O realizaciji ovog Zaključka starat će se Stručna služba Gradskog vijeća.

ZAMJENIK PREDSJEDNIK KOMISIJE

Amir Tursić, dipl. pravnik





**Komisija za budžet, finansije i
ekonomska pitanja**

Broj: 01-04-2756/22-AP-12

Datum: 19.01.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Općinskog vijeća Zavidovići - naovi prečišćeni tekst („Službeni glasnik Grada Zavidovići“, broj: 7/22), Komisija za budžet, finansije i ekonomska pitanja na 11 sjednici održanoj dana 19.01.2023. godine, razmatrala je Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi, pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi.

2. Komisija za budžet, finansije i ekonomska pitanja, konstatuje da su za realizaciju predmetne Odluke planirana sredstva u Budžetu Grada Zavidovići za 2023. godinu („Službeni glasnik Grada Zavidovići“, broj: 8/2022), na tekućem transferu „Izdaci za obilježavanje značajnih datuma“, koji je planiran u iznosu od 23.000,00 KM.

3. Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi, dostavlja se predsjedavajućem radi uvrštavanja u dnevni red sjednice Gradskog vijeća.

4. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za društvene djelatnosti,
ljudska prava, mlade i
ravnopravnost spolova**

Broj: 01-04-2756/22-AP-13

Datum: 19.01.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 47. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), Komisija za društvene djelatnosti, ljudska prava, mlade i ravnopravnost spolova na 11. sjednici održanoj dana 19.01.2023. godine, razmatrala je Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi, pa nakon rasprave donijela

ZAKLJUČAK

1. Komisija za društvene djelatnosti, ljudska prava, mlade i ravnopravnost spolova prihvata Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi..

2. Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi, dostavlja se predsjedavajućem radi uvrštavanja u dnevni red sjednice Gradskog vijeća.

3. O realizaciji ovog Zaključka starat će se Stručna služba Gradskog vijeća.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za pitanja boraca i tekovina
Odbrambeno-oslobodilačkog rata**

Broj: 01-04-2756/22-AP-14

Datum: 18.01.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 40. i 52. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), Komisija za pitanja boraca i tekovina Odbrambeno-oslobodilačkog rata, na 11. sjednici održanoj dana 18.01.2023. godine, razmatrala je prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi, pa nakon rasprave donijela

ZAKLJUČAK

1. Komisija za pitanja boraca i tekovina Odbrambeno-oslobodilačkog rata prihvata Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi.
2. Prijedlog Odluke o proglašenju Dana sjećanja na ubijenu djecu u ratu 1992.-1995. godine na području Grada Zavidovići, sa Izvještajem o provedenoj javnoj raspravi, dostavlja se predsjedavajućem radi uvrštavanja u dnevni red sjednice Gradskog vijeća Zavidovići.
3. O realizaciji ovog zaključka starat će se Stručna služba Gradskog vijeća.

PREDSJEDNIK KOMISIJE
Adis Mahovac